



INFORMATIVNI BILTEN OPĆINE ILIDŽA

Ilidža • Oktobar 2019
• Broj 185





REDOVNA SJEDNICA OPĆINSKOG VIJEĆA

Utvrđen Nacrt Budžeta za 2020 u iznosu od 29 miliona KM

Općinsko vijeće Ilidža na 31. redovnoj sjednici održanoj 31. oktobra 2019. u Multifunkcionalnoj sali utvrdilo je Nacrt Budžeta za 2020. godinu u iznosu od 29 miliona KM i uputilo ga na javnu raspravu, od 5. do 13. novembra 2019. godine. Zadužuje se Općinski načelnik da putem mjesnih zajednica prema utvrđenom rasporedu organizuje i provede javnu raspravu o Nacrtu Budžeta Općine Ilidža za 2020. godinu. Nacrt Budžeta Općine Ilidža za 2020. godinu sa rasporedom održavanja javnih rasprava po mjesnim zajednicama objavit će se na oglasnoj ploči, te web stranici Općine Ilidža i oglasnim pločama mjesnih zajednica, kako bi se građani informisali o terminima održavanja javnih rasprava i aktivno se uključili.

Zadužuje se Općinski načelnik da za narednu sjednicu Općinskog vijeća podnese izvještaj o rezultatima javne rasprave i pripremi Prijedlog Budžeta Općine Ilidža za 2020. godinu. Općinsko vijeće Ilidža donijelo je zaključak do prilikom izrade Prijedloga Budžeta Općine Ilidža za 2020. godinu od MUP-a Kantona Sarajevo zahtjeva da se odredi vezano za opremu video nadzora koju je Općina nabavila za potrebe Pete policijske uprave Ilidža. Ukoliko MUP Kantona Sarajevo do 21. novembra 2019. godine ne potpiše sa Općinom Ilidža Sporazum o nabavci i prenosu u vlasništvo video kamera i opreme sistema video nadzora na teritoriji općine Ilidža, Vijeće zahtjeva da MUP Kantona Sarajevo opremu koja je smještena u prostorijama Pete policijske uprave Ilidža pripremi za predaju i imenuje dva ovlaštena lica od strane Policijske uprave te zapisnički vrati općini.

Usvojen Izvještaj o izvršenju Budžeta Općine Ilidža za period 01.01.-30.09.2019. god.

Izvještaju o izvršenju Budžeta Općine Ilidža za period 01.01.-30.09.2019. godine se najviše raspravljalo, a vijećnici su postavljali brojna pitanja. Pomoćnik načelnika za razvoj, komunalne poslove i puteve Mirsad Čaušević je odgovarao na sva postavljena pitanja po stavkama iz Budžeta za kapitalne projekte.

Prema ovom Izvještaju ukupno ostvareni prihodi i primici iznose 24.009.537,74 KM, a ukupno ostvareni rashodi i izdaci iznose 20.500.732,33 KM. Razlika između ostvarenih prihoda i primitaka i rashoda i izdataka je 3.508.805,41 KM i prenosi se u budžet za naredni period.



Donesena Odluka o posebnim uslovima za imenovanje predsjednika i dva člana Skupštine JP Ilidža

Općinsko vijeće Ilidža na posljednjoj sjednici donijelo je Odluku o posebnim uslovima za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža. Tom Odlukom Općinsko vijeće utvrđuje posebne uslove za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža „ILIDŽA“ društvo sa ograničenom odgovornošću JP „ILIDŽA“. U skladu sa odredbama Zakona o ministarskim, vladinim i drugim imenovanjima Federacije Bosne i Hercegovine posebnih uslova Općinsko vijeće Ilidža je donijelo Odluku o objavljivanju javnog oglasa za imenovanje predsjednika i dva člana Skupštine preduzeća. Podsjećamo, Općinsko vijeće je donijelo Odluku o osnivanju Javnog preduzeća za obavljanje komunalnih i drugih djelatnosti od javnog interesa Općine Ilidža. Tom Odlukom propisano je da imenovanje predsjednika i dva člana Skupštine Javnog preduzeća vrši Općinsko vijeće na prijedlog Komisije za izbor, imenovanja i pitanja ravnopravnosti spolova. Općinsko vijeće je u prošlom mandatu donijelo Odluku o imenovanju predsjednika i dva člana Skupštine Javnog preduzeća čiji mandat ističe 29. oktobra 2019. godine.



REDOVNA SJEDNICA OPĆINSKOG VIJEĆA

Imenovana Vahida Kovačević za Općinskog pravobranioca

Općinski načelnik, Općinskom vijeću dostavio je prijedlog za imenovanje Vahide Kovačević za općinskog pravobranioca, što je na 31. sjednici vijeće i prihvatilo.

Javni oglas za izbor općinskog pravobranioca Općine Ilidže raspisan je u skladu sa zakonom koji propisuje tu oblast. Provedena je procedura i utvrđeno je da Vahida Kovačević, kao jedini prijavljeni kandidat na raspisani oglas, ispunjava sve opće i posebne uslove. Nakon podrške Vijeća Vahida Kovačević je položila svečanu zakletvu.

Esnar Šehović novi član Komisije za prostorno planiranje, mjesne zajednice, komunalne poslove i ekologiju

Na prijedlog Stranke za BiH zamijenjen je član Komisije za prostorno planiranje, mjesne zajednice, komunalne poslove i ekologiju. Mirsad Madeško razriješen je dužnosti člana Komisije za prostorno planiranje, mjesne zajednice, komunalne poslove i ekologiju, a imenovan je Esnar Šehović.



Odluka o izmjenama i dopunama Odluke o pristupanju izradi Regulacionog plana groblja Vlakovo

Jedna od tačaka dnevnog reda je bila i Odluka o izmjenama i dopunama Odluke o pristupanju izradi Regulacionog plana groblja Vlakovo. Ovom odlukom vrše se izmjene i dopune o pristupanju izradi RP groblja Vlakovo i to član 15, stav 3. gdje se dodaje novi stav, koji glasi „ zabrana građenja ne odnose se na izgradnju centralnog objekta s krematorijem i

memorijalnim centrom i izgradnju novog grobnog polja za koju se mogu izdati urbanističke saglasnosti na osnovu stručnog mišljenja Zavoda za planiranje razvoja Kantona Sarajevo“. Kako se navodi u ovoj odluci potrebno je prije donošenja plana stvoriti pravni osnov za izgradnju centralnog objekta sa krematorijem i memorijalnim centrom sa površinom za parkiranje i u istočnom dijelu groblja, pravni osnov za izgradnju novog grobnog polja i prateće infrastrukture.

Nova vijećnica Selma Banda

Dino Jajagić (SBB) je podnio je ostavku na mjesto vijećnika u Općinskom vijeću, a umjesto njega pozicija je pripala Selmi Bandi koja je na 31. sjednici Općinskog vijeća svečano položila zakletvu.



Hamidović: Svim žrtvama nasilja treba pružiti odgovarajuću podršku



Općinsko vijeće je na desetoj redovnoj sjednici usvojilo Gender akcioni plan Općine Ilidža za period 2017-2020. godine. To je strateško-planski dokument Općine koji direktno podržava primjenu Zakona o ravnopravnosti spolova BiH na lokalnom nivou i definiira ciljeve i mjere za unapređenje ravnopravnosti spolova u lokalnoj zajednici, te potiče budući rast i razvoj općine. Za implementaciju ovog dokumenta zadužene su Komisija za izbor, imenovanje i pitanja ravnopravnosti spolova i Komisija za zaštitu ljudskih prava, predstavke i prijedloge u saradnji sa javnim institucijama, nevladinim organizacijama, lokalnim partnerima, savjetima mjesnih zajednica, političkim partijama i ostalim subjektima i pojedincima koji svojim zakonskim i drugim ovlaštenjima mogu doprinijeti implementaciji planiranih aktivnosti.

Kao jedan od strateških ciljeva Gender akcionog plana Općine Ilidža je „Povećati uključenost građana/ki u suzbijanju i sprečavanju rodno motivisanog nasilja.“ Realizacija ovog strateškog cilja sastoji se od više aktivnosti, a jedna od njih je medijska kampanja u trajanju do šest mjeseci kojom se predviđa i obavljanje intervjua sa svim institucijama uključenim u provedbu ovog strateškog cilja. Uzimajući u obzir značaj doprinosa koji mogu dati obrazovne institucije u jačanju svijesti o neprihvatljivosti rodnozasnovanog nasilja, intervjuisane su sve osnovne i srednje škole na području općine Ilidža, kako bismo zajednički sagledali na čemu je potrebno raditi u budućem periodu. Objavljujemo intervju obavljen sa pedagogicom Srednje tehničke škole grafičkih tehnologija, dizajna i multimedije Ilidža, Sanelom Hamidović koja svakodnevno radi sa učenicima i dobro poznaje probleme s kojima se suočavaju, pa i u pogledu rodnozasnovanog nasilja i nasilja u porodici. Doprinos intervjua dao je svojim odgovorima i direktor ove škole Salko Huskić.

• **Da li u okviru Vaših nadležnosti radite sa žrtvama nasilja?**

- Da, po iskazanoj potrebi.

• **Koje od navedenih smatrate najtežom vrstom nasilja?**

- a) psihičko
- b) fizičko
- c) seksualno
- d) ekonomsko

- Nije moguće izdvojiti bilo koji navedeni oblik nasilja, jer je žrtvi nasilja svaki oblik najteži.

• **Šta su po Vama pokazatelji koji Vas navode na zaključak da je učenik žrtva rodnozasnovanog nasilja ili nasilja u porodici?**

- Različiti indikatori mogu ukazivati na ovakvu pojavu. Od promjene u raspoloženju učenika, nagle zapaženosti lične higijene, nemarnog odnosa prema sebi, nemarnog odnosa prema

nastavnom procesu, sklonost ka eskaliranim reakcijama, skrivanje istine, fizički tragovi nasilja na tijelu, osjećaj stida, krivice. Promjene u ponašanju koje uočavaju vršnjaci kod učenika, te predmetni profesori, a koje nisu uobičajene za adolescentski period i slično.

• **Na koji način ćete pomoći žrtvi ovakvog oblika nasilja?**

- Sa žrtvom bilo kojeg oblika nasilja najvažnije je uspostaviti odnos povjerenja, razumijevanja, empatije, te stvoriti sigurno okruženje. U skladu sa Protokolom o postupanju u situacijama nasilja te Smjernicama o postupanju, poduzeti sve propisane korake kako bi se učenik zaštitio. Pored protokola po kojem su uključene i ostale nadležne institucije kao što su Centri za mentalno zdravlje, Centri za socijalni rad, Policijska uprava, važno je i raditi sa žrtvom nasilja a i sa počiniocem nasilja.

• **Šta bi trebalo učiniti na unapređenju prevencije rodnozasnovanog nasilja ili nasilja u porodici u okviru Vaše nadležnosti?**

- Unapređenje prevencije se odnosi na pojačan rad na časovima odjeljenjskih zajednica, sastancima Vijeća učenika, roditeljskim sastancima, te sastancima Vijeća roditelja. Važno je raditi i na permanentnom stručnom usavršavanju nastavnog kadra, ali i svih uposlenika škole kako bi blagovremeno prepoznali elemente nasilja i adekvatno reagovali.

• **Koji su najčešći oblici rodnozasnovanog nasilja ili nasilja u porodici?**

- Imajući u vidu osjetljivost ovakve teme, nismo upoznati da je vođena niti objavljena istraživačka statistika o najčešćim uzrocima ovih oblika nasilja, ali slobodnom procjenom može se reći da su to različiti diskriminirajući odnosi prema ženskom rodu, umanjujući sposobnosti žene, a ističući sposobnosti muškaraca, te uskraćivanje ekonomske podrške ženama ili čak fizičko nasilje nad ženama.

• **Smatrate li da je neophodno otvaranje savjetovališta za žrtve rodnozasnovanog nasilja i nasilja u porodici?**

- Da, svakako. Svim žrtvama treba pružiti odgovarajuću podršku.

• **Da li Vaši uposlenici pristupaju edukacijama namjenjenim problematici rodnozasnovanog nasilja i nasilja u porodici?**

- Da.

• **Postoje li u hodnicima/vidnim mjestima škole pisani dokumenti brošure/posteri kojima se učenici/ce obavještavaju o rodnozasnovanom nasilju i nasilju u porodici?**

- Da, postoje i na oglasnim pločama u zbornici u vidu protokola o postupanju u situacijama nasilja, i na oglasnim pločama za učenike, kao i posebno izdvojena Kutija povjerenja kroz koju se može prijaviti bilo koji oblik nasilja, uključujući i rodnozasnovano nasilje i nasilje u porodici.

• **Smatrate li da škola dovoljno doprinosi zaštiti od rodnozasnovanog nasilja i nasilja u porodici?**

- Da, u postojećim kapacitetima. Bolji doprinos bi bio moguć kada bi se ojačale stručne službe u školama, te pored školskog pedagoga angažovali i školski psiholozi, te socijalni radnici. Tada bi se ovoj problematici moglo pristupiti sa aspekta svih stručnih profila.

• **Da li ste ikada na bilo koji način bili uključeni u aktivnosti Vaše škole vezane za promociju koja uključuje informisanje učenika/ca o rodnozasnovanom nasilju i nasilju u porodici?**

- Da, svakako, na različite načine. Kroz individualno i kolektivno stručno usavršavanje.



Za sanaciju tri ulice i tri pješačke staze izdvojeno 1.306.758,58 KM

Na području općine Ilidža u toku je rekonstrukcija tri ulice i tri pješačke staze, čiji je finansijer Općina Ilidža.

Za te namjene Općina Ilidža je izdvojila ukupno 1.306.758,58 KM. Radovi su završeni u ulici Stari drum, čija dužina iznosi 450, a širina šest metara. Radovi su povjereni firmi Sarajevoputevi d.d. Sarajevo, a njihova vrijednost je iznosila 79.117.68 KM. Investitor je Općina Ilidža. U toku je i rekonstrukcija ulice Četvrte viteške brigade, čija dužina iznosi 405 metara, a širina šest metara. Investitor radova, čija vrijednost iznosi 392.777.81 KM je Općina Ilidža, a radove izvodi preduzeće Mevludin Commmerc d.o.o Sarajevo. Konzorcij firmi Nane Kompani d.o.o i Ceste company d.o.o vrše rekonstrukciju ulice Bare kod Stupa, širine šest metara, te dužine od 900 metara. Vrijednost radova iznosi 563.496.92 KM, čiji je finansijer Općina Ilidža.



Općina Ilidža je finansirala i izgradnju pješačke staze uz M17, Vreoca - Vrelo Bosne, a radovi su povjereni preduzeću



MGBH d.o.o. Dužina pješačke staze iznositi će 940, a širina 1,5 metar, za čiju izgradnju je izdvojeno 263.086.50 KM.

Trenutno je u toku izgradnja pješačke staze u ulici dr. Kasima Begića, dužine 40 metara i širine 1,5 metar. Radove je finansirala Općina Ilidža, čija vrijednost iznosi 5.221.75 KM, a povjereni su preduzeću Sarajevo putevi d.o.o.

U ulici Gazi Hasan paše, u toku je rekonstrukcija pješačke staze čija dužina 47 metara, a širina 1,5 metar. Vrijednost radova iznosi 3.057.49 KM, a investitor je Općina Ilidža. Izvršioc radova je preduzeće Sarajevo putevi d.o.o.

Počinje realizacija kapitalnog projekta tramvaj pruge Ilidža-Hrasnica

Radovi na izgradnji tramvaj pruge Ilidža-Hrasnica usko-ro će početi, dogovorili su to 25. oktobra u Općini Ilidža načelnik prof.dr. Senaid Memić i ministar saobraćaja KS Adnan Šteta.

Obostrana želja Vlade Kantona Sarajevo, odnosno resornog ministarstva i Općine Ilidža jeste, da radovi što prije počnu. Općina Ilidža je završila gotovo sve obaveze vezano za realizaciju ovog kapitalnog projekta, te obezbijedila budžetska sredstva u iznosu sedam miliona KM. Sporazum o početku izgradnje tramvaj pruge trebao bi biti potpisan za 10 dana, najavljeno je na sastanku. Načelnik Memić i ministar Šteta razgovarali su i o nizu projekata koje će zajednički realizovati.

Počeci planiranja realizacije projekta tramvaj pruge datiraju iz vremena kada je u „Urbanističkom planu grada Sarajeva za period 1986-2015“ predviđen pojas za smještanje planirane dvokolosječne tramvajske pruge, uz pripadajuću kontaktnu i napojnu mrežu, tramvajskim sta-

jalištima i novom okretnicom tramvaja kod nekadašnjeg fabričkog kompleksa „Famos“ u Hrasnici.





Počela sanacija Rustempašine ulice na Ilidži

Počela je sanacija Rustempašine ulice na Ilidži i to u dužini 317 metara. Za ove namjene Direkcija za ceste izdvojila je 218.000 KM. U sklopu sanacije na jednom dijelu uradit će se rekonstrukcija kompletne kolovozne konstrukcije, a na ostatku postojećeg i polaganje novog sloja asfalta. Pored ovih radova, poboljšat će se i sistem odvodnje. Predviđeni rok za izvršenje radova je 45 dana.

Općina Ilidža je tokom 2018.godine podnosila nekoliko inicijativa Direkciji za ceste za rekonstrukciju Rustempašine ulice.

Za lift u Osmoj osnovnoj školi „Amer Ćenanović“ izdvojeno 46.000 KM

Osmu osnovnu školu „Amer Ćenanović“ pohađaju učenici sa poteškoćama u razvoju, te im je neophodno omogućiti kretanje.

Općina Ilidža obezbijedila je sredstva za finansiranje projektovanja, nabavku montažu čelične konstrukcije, montaže i puštanje u rad dizala-lifta u Osmoj osnovnoj školi „Amer Ćenanović“. Iz Budžeta za te namjene je izdvojeno 46.000 KM.

Tim povodom 14. oktobra načelnik Općine Ilidža prof. dr. Senaid Memić i direktor Osme osnovne škole „Amer



Asfaltirano 830 metara Igmanske ceste

Igmanska cesta koja je u ratu posebno bila važna za stanovnike Hrasnice, Sokolovića i Butmira, nekadašnji makadamski put sada je moderna saobraćajnica. Sredstvima Općine Ilidža i Ministarstva privrede Kantona Sarajevo, te Uprave za šumarstvo okončani su radovi njenog asfaltiranja. Projektant je bila firma IOG d.o.o., a izvođač radova Sarajevoputevi d.d. Nadzor nad izvođenjem radova je vršio Zavod za izgradnju KS. Put je izgrađen u dužini od 830 metara, a vrijednost radova iznosila je 218.000 KM. Presijecanjem vrpce načelnik Općine Ilidža prof.dr. Senaid Memić, ministar privrede Kantona Sarajevo Haris Bašić, Nataša Fazlić direktor Sarajevoputeva d.d., Mensud Rondić, uposlenik Općine ozvaničili su završetak radova.



“Postojeći put preko Igmana izgrađen je kao šumska komunikacija za transport drva, korišten je za saobraćaj lokalnog stanovništva i turistički izlaz na Igman. Tokom ratnih godina (1992-1995), put Hrasnica-Kabalovo-Lokve-Zovik, predstavljao je jedinu putnu komunikaciju za izlaz ili ulaz u Sarajevo, te su i tokom rata izvođeni radovi na proširenjima i poboljšanjima bezbjednosti. Ovim projektom nastoji se sačuvati lokacije koje su predviđene za odmaranje izletnika, a imamo odavde i lijep pogled na grad” istakao je načelnik Memić.

Ministar Haris Bašić istakao je zadovoljstvo jer su sredstva korisno uložena, te izrazio nadu da će i u budućnosti sa Općinom Ilidža imati niz uspješnih projekata.

Ćenanović“ Vahid Čustović potpisali su sporazum o realizaciji ovog projekta.

„Vrlo je važan ovaj projekat, prvenstveno zbog djece koja imaju poteškoće u kretanju, a svima smo dužni obezbijediti pravo na kvalitetno pohađanje škole. Upravo iz tog razloga, u školi u Butmiru je napravljen lift, a nadam se da ćemo u svim školama Općine Ilidža postepeno rješavati ovo pitanje“ izjavio je prof.dr. načelnik Senaid Memić.

„Zahvalni smo Općini Ilidža, a posebno načelniku Senaidu Memiću, koji uvijek ima razumijevanja za škole, te uvijek nađe način da nam pomogne. Moram posebno izraziti zadovoljstvo današnjim ugovorom, jer smo potpisnici vrlo važnog projekta, kojim ćemo omogućiti prohodnost na različite spratove našim učenicima sa poteškoćama u razvoju i kretanju“ rekao je direktor Osme osnovne škole „Amer Ćenanović“, Vahid Čustović.



Uskoro novi krov na zgradi policije

Stara zgrada općine Ilidža, koju sada koristi Peta Policijska uprava Ilidža, dobit će novi krov. Za ove namjene iz budžeta izdvojeno je 200.000 KM. Projekat je uradila projektna kuća Arhing d.o.o. Izvođač „KOLINVEST“, a nadzor je povjeren firmi „DVA“ d.o.o.

Radovi započeti sredinom oktobra 2019. trebali bi biti okončani dva mjeseca.

Općina Ilidža i ove godine stipendira studente i učenike

Općina Ilidža objavila je konkurs za stipendiranje talentovanih učenika u srednjem i studenata u visokoškolskom obrazovanju u školskoj/akademskoj 2019/2020. godini. Pravo učešća na konkursu imaju učenici i studenti sa područja ove općine koji imaju prosječnu ocjenu 5,0 i primjerno vladanje, te učenici prvih razreda srednje škole koji su od trećeg do devetog razreda imali prosječnu ocjenu 5,0.

Stipendije će dobiti i studenti fakulteta grupacije tehničkih i medicinskih nauka sa prosječnom ocjenom 7,5 i studenti sa ostalih fakulteta sa prosječnom ocjenom 8,0. Visina mjesečne stipendije za učenike iznosi 75,00 KM a za studente stipendije se kreću od 96,00 KM do 120,00 KM u zavisnosti od visine prosjeka.

Stipendije će se isplaćivati 10 mjeseci. Sva dokumenta koja se dostavljaju kao dokaz o ispunjavanju uslova moraju biti originali ili ovjerene fotokopije, te ne smiju biti starija od 6 mjeseci. Apsolventi nemaju pravo na stipendiranje. Također raspisan je i konkurs i za učenike i studente slabijeg imovnog stanja.



Obezbijedeno 39.159,54 KM za prijevoz učenika u prvom polugodištu

Općina Ilidža je u skladu sa Sporazumom o prijevozu učenika sa Ministarstvom za saobraćaj Kantona Sarajevo osigurala sredstva u iznosu od 18.459,54 KM za prijevoz 69 učenika osnovnih i srednjih škola koji imaju smetnje u kretanju (invaliditet iznad 80 posto) za prvo polugodište školske 2019/2020. godine.

Također, osigurana je i novčana naknada od 700,00 KM za tri učenika koji stanuju dalje od tri kilometra udaljena od škole, koji nemaju organizovan javni prijevoz.

Općina Ilidža je obezbijedila prijevoz autobusom „Bosanko“ za 188 učenika Prve osnovne škole sa područja MZ Stup. Za te namjene izdvojeno je 20.000 KM.





Otvorena mogućnost saradnje „Vemi“ i Općine Ilidža

Predstavnici vladine organizacije „Vemi“ koja se bavi kontrolom kvalitete i inovacijom ekološkog održivog dizajna u objektima, posjetili su 8. oktobra Općinu Ilidžu. Sa načelnikom općine prof.dr. Senaidom Memićem i njegovim saradnicima razgovarali su o mogućnostima partnerstva za apliciranje ka evropskim fondovima. Tokom razgovora prezentirali su rad svoje organizacije u kojoj je uposleno 200 ljudi, od čega 116 inženjera. Organizacija ima 2000 sporazumnih saradnji kako sa lokalnim tako i sa inostranim partnerima. Rad se bazira na modernom dizajnu što podrazumijeva rehabilitaciju postojećih objekata sa uključivanjem ekološki održivog dizajna. Do sad su uradili više od 40 uspješnih projekata širom Evrope sa lokalnim zajednicama i svojim dolaskom prepoznali Općinu Ilidžu kao moguće buduće partnere. Njihov dolazak je preporuka Udruženja Bosansko-mađarsko društvo. Sastanku je prisustvovao i savjetnik mađarskog premijera Barthel Ruzsa Zsolt.



Zahvalnica načelniku Memiću za pomoć u snimanju filma

Općina Ilidža finansijski je pomogla snimanje filma o heroju Zami Dučiću. Tim povodom 14. oktobra načelniku Općine Ilidža prof.dr.Senaidu Memiću, Ekrem Ferhatović, potpredsjednik Zavičajnog društva Plavljana i Gusinjana u Sarajevu uručio je zahvalnicu.

„Zahvaljujem se načelniku koji je pokazao spremnost i prepoznao naš motiv da snimimo film o našem heroju Zami Dučiću, koji je bio komandant Manevarskog bataljona 101. motorizovane brigade i položio svoj život sa šest saboraca da bi spasio 50 svojih jurišnika“ izjavio je Ekrem Ferhatović.



Ečo Company započinje izgradnju najvećeg i najelitnijeg salona namještaja u regionu

U naselju Stup, uz glavnu gradsku saobraćajnicu, uskoro će započeti izgradnja najvećeg i najelitnijeg salona namještaja u regionu.

Tim povodom direktor firme Ečo Company Suad Ečo i načelnik Općine Ilidža prof. dr. Senaid Memić su održali sastanak, a susret je ujedno bio i prilika za zvanično uručjenje građevinske dozvole.

Riječ je o velikom investicionom projektu firme Ečo Company po čijoj će realizaciji Sarajevo dobiti još jednu reprezentativnu poslovnu zgradu. Osim salona namještaja koji će biti smješten na tri sprata, u ovom objektu će biti smještena direkcija firme Ečo Company, Inside dizajn studio, kao i centar za edukaciju u industriji namještaja.

Direktor firme Ečo Company Suad Ečo nije krio oduševljenje skorim početkom izgradnje ovog objekta.

„U proteklom periodu smo potvrdili poziciju lidera u segmentu opremanja enterijera i proizvodnje dizajniranog namještaja, a sa novim objektom naše poslovanje podižemo na još veći nivo. Ovo je bio jedan prirodan korak u okviru ubrzanog razvoja naše kompanije. Našim kupcima i klijentima uvijek želimo obezbijediti samo najbolje proizvode i usluge, a sa novim objektom željeli smo da im omogućimo veći asortiman i puno veći izložbeni salon namještaja od postojećeg. Također, željeli smo da u BiH prenesemo trendove u segmentu enterijera i salona namještaja koji su prisutni u Evropi“, izjavio je Ečo, te dodao da će novi salon po svom stilu i modernim izložbenim eksponatima biti najljepši i najoriginalniji objekat tog tipa u region. Prema njegovim riječima klijenti iz svih dijelova Evrope itekako imati šta vidjeti u ovom objektu.

„Početak gradnje planiran je u ovoj godini, a završetak krajem iduće godine. Po završetku ovog projekta otvorit ćemo 40 radnih mjesta u novom objektu, a kroz širenje proizvodnje omogućit ćemo zapošljavanje većeg broja radnika i u proizvodnji. Želim da se zahvalim načelniku Memiću i općinskoj administraciji na susretljivosti i brzom rješavanju našeg zahtjeva. Upravo je to jedan od razloga zašto smo odabrali općinu Ilidžu kao mjesto za naš daljnji razvoj“, rekao je Ečo.

Načelnik općine Ilidža Senaid Memić istakao je da će ova općina nastaviti podržavati domaće i strane investitore koji otvaraju nova radna mjesta.

„Posebno mi je drago što će ovaj impozantan objekat biti izgrađen na području naše općine i što naši privrednici imaju viziju kako realizirati ovakve projekte. Posebnu radost iskazujem jer će 40 ljudi dobiti posao. Mi smo općina koja je druga po broju zapošljavanja na području federacije, ali nam je cilj da budemo prvi, da svako ko hoće raditi ima i priliku. To je pravi put na kojem nećemo zaostajati za Evropom. Naša općinska administracija će uvijek biti na raspolaganju privrednicima i nastojat ćemo da skratimo procedure i ubrzamo slične investicijske projekte“, izjavio je načelnik Memić.



Zahvalnica načelniku od djece iz Zavoda Pazarić

Općina Ilidža izdvojila je iz budžeta 2.000 KM za pomoć djeci koja borave u Zavodu za zbrinjavanje mentalno invalidne djece i omladine Pazarić koju će iskoristiti za nabavku hrane korisnicima.

U znak zahvalnosti za donirana sredstva, 15. oktobra načelniku Općine Ilidža prof.dr. Senaidu Memiću, direktor Zavoda Redžep Salić uručio je sliku koju su svojim vrijednim rukama naslikala djeca iz Zavoda Pazarić.

„Ovo je ustanova koja zbrinjava socijalno i zdravstveno osobe sa invaliditetom, odnosno intelektualnim poteškoćama u razvoju, te smatram da se korisnicima treba pomoći kada se ukaže za to prilika. Veliko zadovoljstvo i čast mi je činiti ovakve stvari” istakao je načelnik Memić.

Direktor Zavoda Redžep Salić u svom obraćanju zahvalio se načelniku Memiću, te istakao da on gaji posebne emocije kada su u pitanju djeca sa posebnim potrebama i uvijek daje nesebičnu podršku korisnicima.

Donacija invalidskih kolica

Na molbu Željke Štoka, člana Udruženja veterana MUP-a Republike BiH Općine Ilidža, Župa Štup i župnik Miroslav Čavara donirali su invalidska kolica ovom Udruženju. Predstavnici Udruženja Veterani policije 91-95. Općine Ilidža, Mujo Pindžo, Željko Štok, Edin Salčin, Akif Kulo i Hamdo Voloder, su 13. oktobra obišli svog veterana Mirsada Dedića-Rižu i uručili mu invalidska kolica. Iz ovog Udruženja izrazili su veliku zahvalnost donatoru.



Obilježena godišnjica pogibije Mehe Porobića i Ivica Stanića

U organizaciji Udruženja boraca Prva samostalna brigada Stup i Općine Ilidža 8. oktobra u Azićima obilježena godišnjica pogibije Mehe Porobića i Ivica Stanića, dobitnika najviših ratnih priznanja “Zlatni ljiljan”.

Delegacije boračkih udruženja, Općine Ilidža, Ministarstvo za boračka pitanja Kantona Sarajevo i članovi porodica položili su cvijeće na spomen-ploče i odali počast ovim herojima.



Meho Porobić pukovnik i načelnik štaba 102. motorizovane brigade pored Zlatnog ljiljana dobitnik je i Ordena za vojne zasluge sa zlatnim mačevima. Poginuo je 8. oktobra 1992. u borbi za Aziće. Na istom mjestu život za odbranu države časno je položio i major Ivica Stanić koji je ostao da brani svoje ognjište i komšije iako je bio pripadnik HVO-a.

“Prije 27 godina ovdje je bilo poprište presudnih bitaka za grad Sarajevo. Prostor prema Ilidži i Stupu koga su agresori tada okupirali, prije svega oklopnim borbenim vozilima planirali su Sarajevo staviti u bezizlaznu situaciju. Zahvaljujući odvažnim i hrabrim ljudima koji su imali samo jednu želju i cilj, a to je sloboda. Među njima je i načelnik štaba 3. Motorizovane brigade, Meho Porobić koji je dao život boreći se sa svojim saborcima. Danas ostaje sjećanje na takve herojske podvige i ne smije blijediti” istakao je Hajrudin Grabovica general u penziji.

Amsal Ganović nastavnik godine

U povodu Svjetskog dana učitelja 5. oktobra Ministarstvo za obrazovanje, nauku i mlade Kantona Sarajevo u dvorani Doma mladih, u kategoriji najuspješniji nastavnici osnovnih škola u Kantonu Sarajevo, izabran je Amsal Ganović, iz Osnovne muzičke škole Ilidža. Direktorica ove škole Dijana Preljević, bila je među tri nominirane i dobila “Priznanje za nominaciju nastavnika godine”.





Općina Ilidža finansira ugradnju ručnih komandi za putnička vozila

Udruženje ratnih vojnih invalida i paraplegičara Kantona Sarajevo su 15. oktobra posjetili Općinu Ilidžu. Načelnika Općine Ilidža prof.dr. Senaida Memića upoznali su sa radom i planovima ovog udruženja, te zahvalili načelniku za pomoć koju im pruža. Svake godine Općina Ilidža donira sredstva za kupovinu i ugradnju ručnih komandi za putnička vozila koja se dodjeljuju ratnim vojnim invalidima prve grupe sa 100% invaliditeta, dijagnoza paraplegija koja Vlada Federacije BiH dodjeljuje. Općina Ilidža je ove godine donirala ručne komande Zaimu Gabeli. Za te namjene izdvojeno je 3.400 KM. Inače svim članovima ovog udruženja koji su sa područja općine Ilidža, ova lokalna zajednica je finansirala kupovinu dodatka. U zadnjih osam godina Općina Ilidža je za te namjene uplatila 28.000KM, a ovoj populaciji pruža i druge pomoći.

Voli se, pregledaj se, budi zdrava - prevencija karcinoma dojke

Mjesec oktobar je međunarodni mjesec prevencije karcinoma dojke. Različitim manifestacijama i aktivnostima tokom ovog mjeseca nastoji se potaknuti i povećati svijest ženske populacije o učestalosti i težini ovog oboljenja. Udruženje koje okuplja žene liječene od karcinoma dojke "Bolest nije kraj" u saradnji sa Udruženjem "Poduzetnice IN", koje mahom okuplja kreativne i proaktivne poslovne žene, 13. oktobra, organizovale su predavanja "Voli se, pregledaj se, budi zdrava - prevencija karcinoma dojke" i dali svoj doprinos u nastojanju da povećaju svijest žena o samopregledu i prevenciji, kao zaštiti od ove opake i često smrtonosne bolesti. Borba koju prolaze žene oboljele od raka, ali i njihove porodice, je mukotrpna, teška i duga, a nerijetko nakon izlječenja prisutne su i brojne posljedice samog liječenja s kojima se moraju nositi. Upravo tokom ovog mjeseca želi se ukazati na probleme s kojima se susreću žene i njihovi najbliži tokom borbe sa ovom bolešću, nakon intenzivnog bolničkog liječenja te na njihove potrebe nakon izlaska iz bolnice. Cilj ovakvih događaja jeste da se podigne svijest o svim aspektima borbe sa rakom kako u otkrivanju ove opake bolesti, periodu boravka u bolnici, tako i o periodu povratka u sredinu nakon liječenja. "Ove žene došle su jer su željele čuti nešto o ovoj važnoj temi, o kojoj se mi trudimo uvijek, a u ovom mjesecu posebno, govoriti i na taj način motivisati žene, koje su često same sebi na posljednjem mjestu, da se redovno pregledaju i vode računa o svom zdravlju", izjavila je Enisa Zulović, predsjednica UG "Bolest nije kraj". Predavačice su bile dr.Jadranka Ferenc, specijalistkinja medicinske radiologije i prof.dr. Anela Hasagić, psihologinja. Obje su se potrudile da približe tematiku bolesti slušateljicama, te da svaka iz svoje oblasti objasni kako zloćudna bolest djeluje na ženu i kako se boriti sa istom, a prije svega kako je prevenirati.

Zelena učionica

Organizaciji Ekološkog udruženja "Aleja" 2. oktobra 2019. godine realizovan je projekat "Zelena učionica" na obali Željeznice. Učesnici projekta bili su učenici Prve osnovne škole Ilidža. Uz interaktivnu radionicu, kviz znanja, učesnici su pokazali svoje znanje u odnosu prema prirodi i naučili nešto novo što će primjenjivati kako bi dali svoj doprinos u očuvanju prirode. Dodijeljeni su pokloni svim učesnicima i nagrade za najbolje. Projekat je finansirala Općina Ilidža.



Izložba "Krajolik pod Igmanom"

U Javnoj ustanovi za kulturu, sport i rekreaciju Hrasnica 8. oktobra otvorena je izložba "Krajolik pod Igmanom". Izložba je dio Oktobarskih dana kulture JU KSP Hrasnica uz podršku Općine Ilidža i Federalnog ministarstva kulture i sporta.

Likovna izložba obuhvata tri autora, tri generacije porodice Hrasnica: prof. dr Fahrudinbeg Hrasnica, prof. dr Mehmedbeg Hrasnica i Alma Hrasnica Dervišević, akademski grafički dizajner. Kroz prizmu tri umjetnika kistom oslikan "Krajolik pod Igmanom" obuhvata različite vrijednosti područja općine Ilidža i Hrasnice, od kulturne, prirodne, historijske, graditeljske baštine područja.

"Kao autor izložbe, njen učesnik i član porodice Hrasnica, velika mi je čast uobličiti životopise mojih rahmetli dede i oca, svestranih ličnosti koje su toliko doprinjele bosanskohercegovačkoj kulturi i nauci, održanju bosanskog konja, afirmaciji sporta, i predstavim ih pod okriljem likovne izložbe "Krajolik pod Igmanom". Slike koje sam odabrala za ovu izložbu su, većinom, akvareli, likovna tehnika koju bira sigurna, kreativna ruka", kazala nam je Hrasnica-Dervišević. Ova akademska grafička dizajnerica je osmislila edukativne plakate koji oslikavaju područje Ilidže i spomenik prirode "Vrelo Bosne". Plakati su segment projekta udruženja "Green Art", edicija "LIST, zaštićena prirodna područja FBiH".





Aeroklub "Ilidža" državni prvaci

U Hrasnici je 20. oktobra pod pokroviteljstvom Vazduhoplovnog saveza Bosne i Hercegovine, a u organizaciji Aerokluba „Krila Sarajeva“ održano Državno prvenstvo u Aviomodelarstvu u klasi slobodnoletećih modela A1 u konkurenciji juniora.

Nastupilo je dvadeset takmičara iz bosanskohercegovačkih aeroklubova, a pobjedu u pojedinačnoj konkurenciji nakon izjednačene borbe, te istog broja bodova, odlučio je fly-off između takmičara Faruka Čabaravdića iz Aerokluba „Izet Kurtalić - Visoko“, te Elvina Gašija iz Aerokluba „Ilidža“.

Duži let u fly-offu ostvario je model Elvina Gašija sa vremenom od dva minuta i deset sekundi dok je drugoplasirani Faruk Čabaravdić ostvario vrijeme od jednog minuta i dvadeset sedam sekundi.

Treće mjesto osvojila je Dalila Halak iz Aerokluba „Krila Sarajeva“. U ekipnoj konkurenciji najuspješniji je bio Aeroklub „Ilidža“ sa osvojenim prvim mjestom, zatim se na drugom mjestu našao Aeroklub „Izet Kurtalić - Visoko“, dok je treće mjesto zauzeo Aeroklub „Zenica“.

Damir Bajrić nastupio za mladu reprezentaciju boćara

Član boćarskog kluba „Napredak-Willa“, Damir Bajrić nastupio je za mladu reprezentaciju Bosne i Hercegovine na Petoboju nacija. Takmičenje je trajalo od 17. do 20. oktobra u Posušju. Reprezentacija BiH zauzela je treće mjesto i veliki doprinos uspjehu pridonio je svojim igrama član BK „Napredak-Willa“.



Akcija prikupljanja kabastog otpada

Na području općine Ilidža 26 i 27. oktobra održana je jesena akcija prikupljanja i odvoza kabastog otpada. Građani su kabasti otpad mogli odlagati na lokaciji koju je odredio KJKP RAD Sarajevo.



Završen prvi modul Projektne akademije

Završen je prvi modul Projektne akademije u organizaciji Udruženja mladih bez ograničenja „NoLimit“, u kojem su učešće uzeli predstavnici 10 omladinskih udruženja, i to iz oblasti kulture, obrazovanja, sporta i drugi. Cilj projektne akademije je da se prvenstveno mladi, ali i ostali članovi udruženja s prostora općine Ilidža educiraju, osposobe i osnaže u pisanju projekata, upravljanja i provođenja njima, a naglasak je na projekte i fondove iz EU.

Na prvom modulu učesnici su imali priliku upoznati se s grantovima i fondovima EU koji su dostupni za Bosnu i Hercegovinu i naše organizacije. Tema ovog modula je bila prekogranična saradnja BiH sa Srbijom i Crnom Gorom, te mogućnosti koje fondovi



donose sa sobom. Nastavak Projektne akademije će se organizirati uskoro.

Jučerašnji san danas stvarnost- tramvaj pruga dolazi u Hrasnicu



Jedan od najvećih kapitalnih projekata u historiji Općine Ilidža izgradnja tramvaj pruge Ilidža-Hrasnica uskoro počinje realizaciju. Pojas prema Butmirskoj cesti i dio koji vodi prema Hrasnici se “čuvao” jer se radi o zaštićenom koridoru predviđenom za tramvajsku prugu. Izgradnja tramvajske pruge od Ilidže do Hrasnice zadnjih decenija prisutna je u raznim planovima razvoja Općine Ilidža, a i Kantona Sarajeva. Nakon dugogodišnjeg rješavanja imovinsko-pravnih odnosa na predviđenoj trasi izgradnje, ali i izgradnje saobraćajnice i zelenog pojasa prema Hrasnici stekli su se uslovi da se navedeni projekat realizira na zadovoljstvo građana Hrasnice, Ilidže, ali i Kantona Sarajevo.

Sigurno je da je projekat jedan od generacijskih projekata, koji će doprinjeti kvalitetnijem životu i radu u našoj lokalnoj zajednici, a koji je nakon obezbijedenih preduslova, prepoznala i Vlada Kantona Sarajevo te uvrstila u svoju Strategiju razvoja do 2020., a 17. 10. je konačno dala saglasnost za ovaj projekat u ukupnom iznosu od 46 miliona KM.

Općina Ilidža će svim svojim kapacitetima baš kao i do sada pružiti neophodnu podršku, a sve u cilju efikasnije i potpune realizacije izgradnje tramvajske pruge. Počeci

planiranja realizacije ovog projekta datiraju iz vremena kada je u „Urbanističkom planu grada Sarajeva za period 1986-2015“ predviđen pojas za smještanje planirane dvokolosječne tramvajske pruge, uz pripadajuću kontaktnu i napojnu mrežu, tramvajskim stajalištima i novom okretnicom tramvaja kod nekadašnjeg fabričkog kompleksa „Famos“ u Hrasnici. Glavni projekat tramvaj pruge Ilidža-Hrasnica povjeren je projektnoj kući „IPSA“ Sarajevo, a revidovan je od projektne kuće Saraj Inženjering d.o.o. Dužina projektovane tramvajske pruge iznosi ukupno sa svim kolosijecima 12.961,30 m i šest skretnica.

Svakako je bitno napomenuti da je u toku realizacija projekta žičare Hrasnica-Veliko polje, što će uz izgradnju tramvajske pruge sigurno pored poboljšanja životnog okruženja samih građana privući i turiste izletnike, ali i investitore koji će prepoznati ovaj infrastrukturni zahvat te puno lakše donijeti odluku o dodatnim investicijama u našoj lokalnoj zajednici.

“Općina Ilidža zahvaljuje Vladi Kantona Sarajevo i cijeni njihovo razumijevanje važnosti i vrijednosti problema koji ćemo zajedno rješavati”, izjavio je načelnik Općine Ilidža prof. dr. Senaid Memić.